

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خواننده

اخطارات
آبونه بدلی پشیندر .

مسلمه موافق آثار مع الممنونیه
قبول اولنور . درج ایدله یین
یازیلر اعاده اولنلاز .

الکتابخانه

۱۳۳۰

آدرس تبدیلنده آریجه
۵ غروش کوندرملیدر .

مکتوبلرک امضالری واضح
و اوقوناقلی اولسی و آبونه
صره نومروسی محتوی
بولونسی لازمددر

ممالک اجنیه ایچون آبونه
اولانلرک آدرس لری نک
فرانسزجه یازلسی رجا اولنور .

پاره کوندردلیکی زمان نه یه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

محترم منتخب نابیره :

حالمزدن واستقبالزدن یکانه مسئول اوله جق ملت مجلسمه مبعوثلری انتخاب ایدم جک سزلسکرز . ملت سزی دها رشید و ملککتک احتیاجنه دها واقف و اهل عداییور ، کندی حق انتخابی سزه تودیع ایدیور . بناء علیه مسئولیتکیز خلقه ، تاریخه ، الله قارشی پک بوپو کدر . امانته حرمت انسانلرک اابتدائی مزیتی در . سزه مبعوثلریک انتخابی امنیت ایدن خلقک آرزو ایتدیکی کی دکرلی و خیرلی ذات سچمز . سه کز امانته خیانت ایتمش اولورسکرز . خلقک هان هپسی ایچکی دشمنی در ، ایچکی مجادله سنک باشنده بولونان هلال اخضر جعیتی بیکلرجه اعضاسیله ملککتک و انسانیتک آتجق خیرینی دوشون برصنفت متفکر در .

سزدن خاق نامنه ، هلال اخضر نامنه رجا ایدیورز ، که انتخاب ایدم جککیز مبعوث ایچکی دشمنی اولسون ، بوتون جهان مدینتک تقدیر ایتدیکی و غبطه ایله قارشولادینی ایچکی ممنوعیتی قانونک پایدار اولسنه و تطبیق ایدلسنه بوتون قلیله طرفدار اولسون ، نامزدلکنی اعلان ایدر کن بو نقطه یه صادق قاله جغنی ناموسیله تأمین و اعلان ایتسین .

هلال اخضر جعیتی

مصرده

منع مسکراته طوغرو

اسلام مالککنک منع مسکراته طوغرو کیتدیکنی کال ممنونیتله کوریورز . مصردن کان صوک بوسته دن منع مسکرات ایچون وقوع بولان ملی فعالیتلرک نهایت مثبت و مشر بر ساحه یه کیردیکی و مصر حکومتکده بو مهم مسئله ایله مشغول اولمغه باشلادینی و بر طاقم مهم قرارلوریدیکی آکلاشمقده در . (الاهرام) غزته سنده او قودیغمزه کوره مصر داخله نظارتی منع مسکرات جعیتی رئیسینی دعوت ایدرک کندیسنه مصر حکومتک بو خیرلی حرکتله علاقه دار اولدینی و جعیتک تشبثات و مساعدیسی تقدیر ایتدیکنی بیان ایتمش و بوتون مصر ولایاتی مأمورین ملکیه سنه تبلیغانده بولونارقی بعدما میخانه کشادی ایچون هیچ بر رخصتنامه و بریلامسینی امر ایلدیکنی بیان ایتدکدن باشقه حکومت حاضره نک ممنوعیت تامه یی تطبیق ایتمسنه بعض اسباب مانع اولدیفندن پک یاقین بر آئیده اجتماع ایدم جک اولان مصر مجلس ملیسنک بونی تطبیق ایتمسنک قویاً مأمول اولدینی ، ملکک بو خصوصده هر حالده مجلسه اعتماد ایدم بیله جکینی سویله مشدر .

بوندن باشقه مصر قادیئلری ده مسکراتک ممنوعیت تامه سنی تطبیق ایچون آریجه بر تشکیلات وجوده کتیرمشلر و مسکرات ایله مجادله یه باشلامشلر در .

مصر منع مسکرات جعیتی اخیراً پک مهم مظاهر تله نائل اولمش ، چونکه مردلو تشبثات خیریه نک علمداری اولان پرنس عمرطوسون پاشا حضرتلری جعیتله مظاهرت بیوردقلری کی پرنس محمد علی پاشا حضرتلری ده مصر قادیئلری منع مسکرات جعیتنده بر نطق ایراد ایدرک بو حرکتی تشویق ایتشلر در .

بوندن باشقه امریکا حکومتات متحده سنی مصر سفیری ده منع مسکرات جعیتله مظاهرتده بولونمش و جعیتله انضمام ایتشدر .

الحاصل اسلام عالمک اک مهم مراکز مدنی و دینی سندن اولان خطه مصریه ده منع مسکرات حرکتی زیاده سیله کسب قوت ایتمش و مسکرات آفتی اورتدن قالدیرمغه موفق اولاجق و بوضو رتله اسلامیت و انسانیت نامنه معظم بر ظفر احراز ایدم جک درجه ده ایلرله دیکی آکلاشمشدر . بو مهم حرکتک اک صوک موفقیتی احراز ایتمسنی ، و مصرلی دینداشلر مزک (ام الحباثت) دن تمامیه قورتولماسینی سبیل الرشاد کال صمیمیتله تمی ایدر .

انکلتزه - حجاز معاهده سنک هدفی

مصرده انتشار ایتمکده اولان (الاهرام) غزته سنی (انکلتزه حجاز) معاهده سنک هدفی حقنده یازدینی بر مقاله ده دیورکه :
«استقلال تامی حائز یکانه عرب دعواسیله مشغول اولانلرک مرجی و موهوم عرب اتحادینک مرکزی اوراسیدی . خیلی زماندن بری عرب دعواسی اویقویه دالمش ایسه ده آناتولی طرفندن احراز اولونان موفقیتلر اوزرینه بودعوا دالینی اویقودن اویاندیرلمش ، بزده عربلرک خیرلی بر نتیجه یه دسترس اولاجقلرینی امید ایتمشدک . تورکار میثاق (ملی) لرند عرب ولایتلرینه استقلالدن باشقه برشی تمی ایتمه دکارینی بیان ایتدکلرندن تورکار طرفندن هیچ براندیشه یه محل یوقدی .

وضیت بو مرکزده ایکن (دوقور ناجی الاصل) لوندرده مستملکات نظارتنده احضار اولونان بر معاهده یی آلوب بر انکلیز زرهلیسیله حجازه عودت ایتدی ، (رویتز) آژانس عرب امرا و حکمدارلرینک اتحادیه انکلتزه نک ممانعت ایتمه دیکنه دائر ویردیکی خبرلر اوزرینه بر آزشک و شبهه یه دوشمش ، دها صوکره ناجی الاصل پکک بیاناندن ، انکلیز مستملکاتندن ترشح ایدن حوادثدن